



PRIJEDLOG

Na osnovu člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08), Odluke o o proglašenju nastanka stanja prirodne ili druge nesreće na teritoriji Bosne i Hercegovine broj VM 15/20 („Službeni glasnik BiH“, broj: 18/20), Odluke o proglašenju stanja nesreće uzrokovano pojavom koronavirusa (COVID 19) na području Federacije BiH broj 408/2020 („Službene novine F BiH“, broj: 21/20) i Odluke o komunalnim taksama i tarifi taksa na istaknutu firmu i drugih komunalnih taksa („Službene novine Općine Maglaj“, broj: 3/13 i 6/13), Općinsko vijeće Maglaj na sjednici održanoj dana _____.05.2020. godine, d o n o s i

ODLUKU

o privremenoj izmjeni i dopuni Odluke o komunalnim taksama i tarifi taksa na istaknutu firmu i drugih komunalnih taksa

Član 1.

U Odluci o komunalnim taksama i tarifi taksa na istaknutu firmu i drugih komunalnih taksa („Službene novine Općine Maglaj“, broj: 3/13 i 6/13) u članu 12. dodaje se novi stav 16., koji glasi:

„- proglašenjem stanja prirodne nesreće uzrokovane pojavom korona virusa (COVID-19) na području Federacije BiH od obaveze plaćanja dijela ili cijelog iznosa komunalne takse na istaknutu firmu za 2020. godinu na području općine Maglaj, oslobađaju se privredni subjekti (fizička i pravna lica) čiji rad na području općine Maglaj je naredbama Federalnog štaba civilne zaštite bio ili je još uvijek privremeno obustavljen, izuzev privrednih društava čija djelatnost je priređivanje igara na sreću.“

Član 2.

U Odluci o komunalnim taksama i tarifi taksa na istaknutu firmu i drugih komunalnih taksa („Službene novine Općine Maglaj“, broj: 3/13 i 6/13) iza člana 12. dodaju se novi članovi koji glase:

„Član 12a

Privredni subjekti (fizička i pravna lica) iz člana 12. stav 16. ove Odluke su oslobođeni kako slijedi:

- privredni subjekti kojima je naredbama Federalnog štaba Civilne zaštite privremeno zabranjen rad u trajanju do 25 dana oslobođeni su obaveze plaćanja komunalne takse na istaknutu firmu za drugi kvartal 2020. godine (period april - juni),
- privredni subjekti kojima je naredbama Federalnog štaba Civilne zaštite privremeno zabranjen rad u trajanju do 45 dana oslobođeni su obaveze plaćanja komunalne takse na istaknutu firmu za drugi i treći kvartal 2020. godine (period april - septembar),

- privredni subjekti kojima je naredbama Federalnog štaba Civilne zaštite privremeno zabranjen rad preko 45 dana oslobođeni su obaveze plaćanja komunalne takse na istaknutu firmu za drugi, treći i četvrti kvartal 2020.godine (period april - decembar).

Član 12b

Privredni subjekti iz člana 12. stav 16. ove Odluke koji su uplatili cijeli ili dijelimični iznos komunalne taksu na istaknutu firmu za 2020. godinu, a spadaju u jednu od navedenih kategorija oslobađanja, uplaćena sredstva u Budžetu Općine Maglaj će se smatrati kao akontacija za naredni period.

Član 12c

Privredni subjekti iz člana 12. stav 16. ove Odluke koji su uplatili komunalnu taksu na istaknutu firmu za 2020. godinu, a spadaju u jednu od navedenih kategorija oslobađanja, u slučaju odjave djelatnosti i prestanka obavljanja iste na području općine Maglaj, imaju pravo na povrat uplaćenih sredstava privrednom subjektu prema utvrđenim kriterijima oslobađanja iz člana 12a ove Odluke.“

Član 3.

U preostalom dijelu Odluka o komunalnim taksama i tarifi taksa na istaknutu firmu i drugih komunalnih taksa („Službene novine Općine Maglaj“, broj: 3/13 i 6/13) ostaje neizmjenjena.

Član 4.

Ova Odluka stupa na snagu danom donošenja, vrijedi za 2020. godinu i biće objavljena u Službenim novinama Općine Maglaj.

Broj:
Datum:

PREDSJEDAVAJUĆA OV
Svjetlana Zamboni

O b r a z l o ž e n j e

U skladu sa Odlukom o proglašenju nastanka stanja prirodne ili druge nesreće na teritoriji Bosne i Hercegovine broj VM 15/20 („Sl. glasnik BiH“, broj: 18/20), Odlukom o proglašenju stanja nesreće uzrokovano pojavom koronavirusa (COVID 19) na području Federacije BiH broj 408/2020 („Sl. novine FBiH“, broj: 21/20), Federalni štab civilne zaštite od 17.03.2020. godine donio je čitav niz naredbi kojima je naredio privremeno obustavljanje pružanja usluga i obustava u radu u djelatnostima na području Federacije BiH.

Od ukupnog broja registrovanih privrednih subjekata i radnji na području općine (registrovano je ukupno 309 privrednih društava (d.o.o.) sa 405 registrovanih djelatnosti odnosno poslovnih jedinica i 388 registrovane samostalne radnje – obrt) ukupno 199 privrednih subjekata po naredbama Federalnog štaba civilne zaštite od 17.03.2020. godine je imao privremeno obustavljanje pružanja usluga i obustava u radu u djelatnostima, sa kraćim ili dužim vremenom zabrane rada.

Predložena *Odluka o privremenoj izmjeni i dopuni Odluke o komunalnim taksama i tarifi taksa na istaknutu firmu i drugih komunalnih taksa* („Službene novine Općine Maglaj“, broj: 3/13 i 6/13) se odnosi na djelimičnu stabilizaciju privrede i saniranje posljedica epidemije koronavirusa kod privrednih subjekata na području općine, a čiji rad je naredbama Federalnog štaba civilne zaštite bio ili je još uvijek privremeno obustavljen, izuzev privrednih društava čija djelatnost je priređivanje igara na sreću.

Cilj ovih aktivnosti je i očuvanje radnih mjesta na području općine, kao i podrška privrednim subjektima za nastavak obavljanja privrednih djelatnosti.

Maglaj, 19.05.2020. godine

Služba za privredu, finansije/financije
i razvoj poduzetništva

Pripremili i obradili:
Senada Alibajraktarević
Ferhat Bradarić
Dženana Hadžiedhemović-Grahić



Predlagač:
Mirsad Mahmutagić